

AKASHVANI AIZAWL

REGIONAL NEWS BULLETIN

HEADLINES (MORNING)

- 1. Mizorama kohhran hrang hrangte chuan vawiin tlai hian kum thar lawmna ruai an theh dawn a, tukin zing vartian atang khan Fatu te an che chhuak tan tawh a ni.
- 2. Kum hlui thlahna leh kum thar lawmna-ah Aizawl-ah harsatna leh buaina lian tham report a awm lo chungin lirthei chesual leh zurui buaina siam an awm nual.
- 3. President Droupadi Murmu chuan India chu khawvel a economy thangchak ber 3-na nih tum in hma lakmek a nih thu a sawi.
- 4. Railways Minister, Ashwini Vaishnaw-a’n Guwahati leh Kolkata inkarah rel chak chi Vande Bharat sleeper tlan tir thuai a ni dawn, a ti.

<><><>

NEW YEAR CELEBRATION

Mizorama kohhran hrang hrangte chuan vawiin tlai hian kum thar lawmna ruai an theh dawn a, tukin zing vartian atang khan Fatu te an che chhuak tan tawh a ni.

Ruai atan hian - Bawng, Vawk, Arsa leh Sangha an siam tlangpui a, hei bakah hian sa ei thei lo tan thlai an siam bawk. Niminah khan kum thar lawmna ruai theh an awm tawh a, vawiin a nawn leh tur an awm bawk. Kohhran thenkhat chuan fatu tur an ruat chhuak a, thenkhat erawh chuan mimala inruat loin hnatlangin an che thung a ni.

Kohhran thil tih a la awm avangin tukin hian Aizawl khawpui kawngpui dung a la reh hle a, dawr inhawng leh vak chhuak hmuh tur an la awm meuh lo. Naktuk atang erawh chuan nunphung pangngaia let leh theih tawh a rinawm.

(Desk)

<><><>

HOSPITAL, POLICE REPORT

Kum hlui thlahna leh kum thar lawmna-ah Aizawl-ah harsatna leh buaina lian tham report a awm lo chungin lirthei chesual leh zurui buaina siam an awm nual.

Kum hlui thlah zan atanga kum thar ni thlenga Akashvani news Aizawl in Aizawl khawpui chhunga damdawi in hrang hrangte atanga report a dawn danin Civil Hospital casualty pantu mi 91 an awm a, heng zingah hian lirthei chesual avanga casualty pan hi mi 15 an awm bakah zu ruih avanga pumna leh intipalh an awm nual bawk. Ebenezer Hospital casualty pawhin pantu an nei nual a, heng zingah hian case pangate chu tlem a serious deuh niin lirthei chesual leh zu kaihhnawih an ni hlawm. Synod Hospital pawhin casualty pantu mi 23 an awm a, heng zingah hian mi 9-te chu admit an ni a, casualty pantu zingah pumna leh pum lam sawisel an tam ber a ni.

Mizorama Police Station hrang hrang atanga report dawn chinah Ni zan khan zu ruia insualbuai vanga man 14 awmin, zu ruih kaihhnawiha man 5 dang an awm bawk a. Aizawl Police Station-ah rukruk thubuai avangin tang mi pahnih, hmeichhia leh mipa an awm a. Bawngkawn Police Station-ah zurui chunga lirthei khalh avanga midang lirthei su chhia mipa pakhat tang awmin, Kulikawn Police Station-ah zu rui khawlai a buaina siam mipa pakhat tang a awm bawk. Zonuam Outpost pawhin rukruk thil a man mipa pakhat leh zu ruih avanga buaina siam, mipa pakhat an kawl bawk. Heng bakah hian Lawngtlai Police Station chuan rukruk thubuai a rinhlelh mipa pakhat hren mek an nei a ni.

VC:

(Corr)

<><><>

NEW YEAR SECURITY

Krismas leh Kumthar vuak vet a Aizawl khawpui chhung hmun hrang hranga Police te tlaivar an duty thin chuan naktuk January ni 3 zing thleng a huam ang.

Aizawl district SP Pu Zosangliana chuan he thu hi Akashvani Aizawl news hrilhin, kum liam ta December ni 23 zan atanga tlaivar a an duty tan thu a sawi.

Hei bakah hian rikrum thila inring turin Flying Squad leh Quick response team siam an nih bakah, Aizawl leh a chhehvel hnai a Police duty na chu chu zone li a then a nih thu a sawi a. Zone li hnuai ah sector 18 then hran leh a nih thu te a sawi bawk. Aizawl SP chuan Police duty te uap a enkawl zui turin hian SDPO pahnih leh Additional SP pahnih ruat an nih thu Akashvani Aizawl News a hrilh bawk.

(Corr)

<><><>

HOUSE FIRES

Saitual Venglaia awm Pi Lalhnehzovi In Assam Type chu Nilaini zan thimhlim khan a kang a, in kang hi hriat a nih velelh thelh tuma hmalak nghal a ni a, bungrua chuh mumal hman a ni lova, In hi a pumin a kang chhe hman lo thung.

In kan chhan hi Chiang taka hriat ni lo a, Saitualah chawhnu lam zawng current a awm lova, tlai dar 5:30 vela current rawn en veleh pawn lama miten in chhunga thil puak ri an hria a, naupang awm hnaiten in kan thu hi sawiin, hetih lai hian in ngahak leh in neitu te an awm loh lai a ni a, mut pindan atanga kangmei hi chhuak tan niin an sawi.

Khawtlang hruaitute chuan zan lam thil a nih avangin kang thelh bak intihpalhte a hlauhawm avangin khawvar lamah bungraw senghawi ngai senghawite leh hnatlan dan tur an rel dawn a ni.

He in kangah hian Pi Lalhnezhovi leh a fate pathum an cheng a ni.

(Rammawizuala, Saitual PTC)

<><><>

CHARITY KITE FESTIVAL

Nimin kham Thingsai Tlaizawng, Thingsai Police Station leh Thingsai PHC tang ho chuan Thingsaia Sipai tlangah Leikhachaih runpui (Charity Kite Festival) an buatsaih a, mipuiin an hlut hle.

Thingsai PHC poor fund puala buatsaih Leikhachaih runpui hi Thingsai VCP Pu K. Lalsiammawia chuan Naupangte hlamna leh lawmna buatsaih ruala mi harsa zawkte tanpuina hun remchang siam a ni chu thil ropui tak a ni a ti a, kum dangah pawh tih chhunzawm zel chi a ni a ti baw.

Thingsai khaw cheimawina atan hmun hrang hrangah pangpar leh thing phun a ni baw a, Tlaizawng/Chhawkhleiphun leh vantlang thil buatsaihte dimdawi thiam theuh turin kal khawmte a sawm baw a ni.

Lehkha chaih tura inziaklut zat hi mi 101 an ni a, Group 5 ah then niin round 5 chaih a ni a, round tina chaih thui/sei ber hnenah lawmman pek theuh an nih bakah Leikhachaih zinga upa ber Pu F. Zothankhuma (kum 70), Leikhachaih zinga naupang ber Malsawmhlua Chhange (kum 3), Leikhachaih mawi ber K. Vanlalngaihsaka, Leikhachaih lian ber Pu Haleluia (square feet 6 leh a chanve) te'n lawmman an dawng baw.

Pawisafai 8,800 hmuh a ni a, hei bakah hian onlie hmaga pe an awm baw.

(Amy Pachuau, Hnahthial PTC)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PRESIDENT

President Droupadi Murmu chuan India chu khawvel a economy thangchak ber 3-na nih tum in hma lakmek a nih thu a sawi.

Nimin kham Rashtrapati Bhavan a SOAE -Skill for AI Readiness hnuai a programme bikah sawiin, Artificial Intelligence chu India economy tana hmasawwna thlentu pawimawh tak a nih thu sawiin, AI chu technology mai nilovin, ramchhung a hmasawwna thlentu pawimawh tak a nih thu a sawi a ni.

He hunah hian President hian zirlai te hnenah AI certificate a hlan a, zirlai te bakah member of Parliament te an tel a ni.

(NewsonAIR)

<><><>

RAILWAY MINISTER

Railways Minister, Ashwini Vaishnav-a'n Guwahati leh Kolkata inkarah rel chak chi Vande Bharat sleeper tlan tir thuai a ni dawn, a ti. Nimin kham New Delhi-a thuthar lakhawmtute hnenah he thu hi sawiin Pu Vaishnav chuan he rel service hi ni 15 atanga ni 20 chhungin Prime Minister, Narendra Modi-a'n a vai liam ang, a ti a, Guwahati leh Kolkata inkara he rel service tlan tir china hnuhnung ber pawh neih a ni tawh, a ti.

Pindan 16 nei Vande Bharat Sleeper Train chu Km sang 1 atang 1500 inkar thlenga tlan thei tura duan a nih thu pawh sawiin khualzinte, hahdam leh nuam taka an chuan theihna tura changkang taka thuam a ni, a ti a, chuan man hi Third class AC-ah chaw telin cheng 2300 vel anih tur thu leh, 2nd class AC-ah cheng 3000, 1st class AC-ah cheng 3600 a nih tur thu a sawi baw.

Railway Minister Ashwini Vaishnav chuan India in kum 2027 August ni 15-ah Bullet Train hmasa ber an tlan tir theih tur thu a puang baw. Pu Vaishnav chuan nimir kham thuthar lakhawmtute zawhna chhangin Ahmedabad leh Mumbai inkarah India ram a bullet train project hmasa ber sak mek a nih thu a sawi a ni.

(NewsonAIR)

<><><>

SWITZERLAND BAR FIRE

Switzerland-a Crans-Montana-a vur tlengna hmunpui pakhat, Alpine ski resort bar lun tak pakhata kangmei chhuakah mi engemawzat an thi a, midang engemawzatin hlaim an tuar baw.

Swiss Police sawi danin, bar chhunga kumthar lawma hun hman lai, zing dar 1:30 velah kangmei hi a chhuak a, thi leh hlaim zat hi police lam chuan hre tawh mahse an la puangzar rihlo niin tualchhung thuthar theh darhtute chuan an sawi a ni.

(NSD)

<><><>

0Z BUSHFIRE

Australia-a Perth tumhmun bulah nasa takin ram a kang a, Department of Fire & Emergency Services (DFES) chuan kangmei hian hmar lam a pan zel tih sawiin chenna in leh mihring nunna atan pawh a hlauhawm thei tawh a ni, an ti a, Perth khawpui chhak lam, Km 15-a hla Kalamunda bial leh tumhmun atanga Km 5 bial huamchhunga chengte chu insaseng vat turin an hriattir ani. Kalamunda leh tumhmun chhehvelah hian mi sing 2 sang 5 vel an cheng a ni.

(NSD)

<><><>